



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM

**DCEO e
tšoasa lipoko**

3

**O behelloa
kathoko**

11



PEETE O FUTUHELA LIKOLO LE METSE

**Access Our Books on Akello Library!**Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore

<https://library.akello.co/downloads>**Follow the link**

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Ba ja bobolu lefa

Letsatsi la pele feela la khoeli e qetellang selemo eleng Tšitoe le tsoahiloe e le la Lefatše la ho kete-ka kokoana-hloko ea HIV/AIDS, 'me Lesotho le sitoa ho ba mokhelo. Selemong sena mohlomong motho a ka re Lesotho le fupere litaba tse monate haholo ha re tla lefung lena. Re ka bua ka lintlha tse peli tse ka sehloohong tseo re li nkang e le likatleho, 'me tsona ke: ho fihlela 95:95:95 ebe hape ho tloha isao ka khoeli ea Hlakola ho se ho tla ba le ente eo mokuli ea tla e enta habeli ka selemo sebakeng sa kalafo. Lintho tsena tse peli ke bopaki ba hore naha e hatetse pele haholo ntlheng ea kokoana-hloko ena, 'me ha joale e se e lelekisa 97:97:99; 97% ea Basotho e tsebe boemo, 97% ea ba tsebang boemo e noe litlhare ka nepo joale ebe 99% ea ba tsebang boemo le ba noang litlhare ha e eketse litšoaetso tse ncha. Ho se ho le ho Mosotho ka mong joale hore merero eo e teng e'a phethahala, hobane Komisi ea Naha ea HIV/AIDS (NAC) kapa Mekhatlo e Ikemetseng li ke ke tsa fihlela katleho ena li le ling. Ebile li ka hamela letanteng haeba ho ka ba joalo, hobane tsohle li qala ho motho ka ho nka boirabello; ho bona hore o phela ka tsela e bolokehileng, o etela litsi khafetsa molemong oa bophelo bo botle.

Mabapi le litaba tse amanang le kokoana-hloko ena, Mekhatlo e Ikemetseng e thoholelitse le ho tlotla setsi se hlokomelang bana se bitsoang Baylor College of Medicine Children Foundation Lesotho ka mosebetsi o motle haholo oa ho hlokomela bana. Ha se mekhatlo ena feela e babatsang tšebetso ea Baylor empa le seo re ka reng ke litholoana; eleng bana ba fumaneng kalafo ho tsoa ho eona. Lilemo tsena tse 20 tseo e li ketekang ho na le maputulo a bonahalang; bana ba teng ba phelang ba se na tšoaetso ea kokoana-hloko ea HIV/AIDS. Baylor ho thoe ha e shebane feela le HIV/AIDS empa e alafa le Lefu la Lefuba (TB). Basotho ba e leboha ka mokhoa o khethehileng ka ho bona hore bana ba hola hantle ho tloha boseeng ba bona. Pele ea pele Baylor, tsoelapele ho re hlokomella letlobo la rona le lecha. Empa re kopa batsoali ho nka boikarabello ba bona, ha ho na lebaka la hore ebe le mehleng ena ho ntse ho e-na le bana ba hlahang ba e-na le tšoaetso ea kokoana-hloko ea HIV/AIDS. Motsoali ea belehang ngoana ea joalo ke hobane a le bohlasoa, a sa tsotelle ebile a sa rate lesea leo la hae le ho bona le hlahile le phetse hantle. Ha e mong le e mong a ka pheta boikarabello ba hae, thota ena e tla khutsufala ebe re fihla moo re eang kapele.

Banka ea First National e utloile sello sa phohomela sa sechaba sa Mohale's Hoek sa ho nka leeto le letelele ha se hloka litšebeletso, ho ea Seterekeng sa Mafeteng. Banka e butse lekalana Majantjeng ho bebofatsa bophelo, 'me taba ena re ka re e tlele ka nako e nepahetseng haholo ea Matsatsi a Phomolo ea Kereseme kaha mabaka a eketseha haholo. Ho feta moo le ba neng ba ka khahloa ke ho bula lipolokelo bankeng ena ba se ba ka etsa joalo ntle le letsoalo. Leha ho le joalo, ha se hore ke hona lekalana le buloang kaha le qalile ho sebetsa khoeling ea Mphalane monongoaha, ha joale e ne e le ho le bula semmuso feela.

Setsi sa Taolo le Thibelo ea Bobolu le Bomenemene (DCEO) se tlaleha se atlehile ho khoantšolla matlotlo a nkuoeng ka bobolu a boleng ba chelete e kaalo ka M3, 950 000.00 ho tloha ka khoeli ea 'Mesa ho isa ea Pulungoana monongoaha. Se boetse se tlaleha ha se fumane batho ba 187 ba neng ba ntse ba itjella chelete ea sechaba ho tsoa Lekaleng la Tekano, Bacha le Ntšetsopele ea Sechaba, lefapheng le fanang ka litsiane tsa maqheku le maqhekoana. Ho hlakile taba ena ea lipoko ha se ntho e tli'o feela, hobane ha ho selemo sa mahala re sa utloe ka eona. Oa nteka-tekane o n'a re mohlomong e tla fela mohla tlala e felang Lesotho, e tli'o fela neng tlala Lesotho? Ha ho mang ea tsebang. Le ha ho le joalo, lintho tse ling li fetoha moetlo kapa lona lefa. Ka nako e 'ngoe batho ba itšoanela le linku feela, ha oa pele a ka etsa ntho e ba e se e ba mokokolo feela joaloka lipalo tsa motlakase.

MOLIMO A BOLOKE LESOTHO LE BASOTHO

Bakhosheli ba atile

Nthabeleng Seitlheko

Ka sepheo sa ho atametse litšebeletso tsa polokeho le tšireletso ea lichelete sechabeng, First National Bank, e butse Lekalana Seterekeng sa Mohale's Hoek, ka la 28 Pulungoana monongoaha.

Mookameli oa Banka ena Mohale's Hoek, Hlaatoane Masenyetse o re setsi sena se qalile ho sebetsa ka khoeli ea Mphalane monongoaha empa e le hona se buloang semmuso. O re ba ile ba utloa sello sa nako e telele sa baahi ba Mohale's Hoek sa ho lata litšebeletso Seterekeng sa Mafeteng.

O re ba sekehetse bao tsebe 'me ba ikemiselitse ho fana ka litšebeletso tsa sechaba. A re ba ba tšepisa

ho ba sebeletsa ka botšepahi, ho ba bolokela lichelete le ho li ntlafatsa hore bohle ba une molemo litšebeletsong tseo ba fanang ka tsona.

O bontšitse hore bohle ba tsebe hore lichelete tsa bona li matsohong a nepahetseng kaha ba boetse ba tla fana ka thuto hore sechaba se utloisise ka bohlokoa ba poloko le tšebeliso e ntle ea lichelete.

Mookameli e Moholo oa FNB Lesotho, Tšepo Mochেকে o itse lekalana lena le atamelitse litšebeletso ho bona, ka hoo ho tlo ba bonolo hore ba tsetele ho ntlafatsa bophelo ba bona e le karolo ea ntlafalo le tlhahiso ea mesebetsi.

Lebitsong la Mookameli oa Sepolesa Mohale's Hoek, Senior Inspector Motjamela Motjamela o supile hore boqhekanyetsi ba chelete ka marang-rang bo bonahala bo atile, ka hoo

batho ba ithokomele kaha ofising ea habo litlaleho tse ngata e le tsona.

O ile a kopa sechaba ho se sebelise linomoro tsa lekunutu e le tsa tlhaho kapa tsa mehala ea thekeng hobane baqhekanyetsi ba bangata ba sebeliaa tsona ho ikhapela lichelete tsa bona.

Morena oa Sebak, 'Matšoanelo Bereng o hlalositse hore ba ne ba lata litšebeletso hole, ka hona ba leboha ha li atametse haufi hobane ba tli'o nolofalloa ke ho nka maeto le ho fihla litšebeletsong ha bonolo. O re hona ke karolo ea bohlokoa e bontšang khohle le ntlafalo ea setereke.

O ipilelitse ho Basotho ho tlaleha litlohi tsa molao le ho bona hore bohle ba li etsang ba nkeloa likhato. O itse bohle ba ithokomele nakong ena ea Matsatsi a Phomolo ea Keresemese khahlanong le bakhocheli.

Lipuisano mabapi le litokelo

Nthabeleng Seitlheko

Lekala la Molao le Toka le tsoere Lekhotla la Litokelo tsa Botho, moo ho kopaneng ba bohlong 'musong, mekhatlo ea sechaba le balekane ba ntšetsopele ho hlahloba boemo ba litokelo tsa botho Naheng ea Lesotho. Tsena li bile ka la 3 Tšitoe monongoaha.

Motlatsi oa Ramolao e Moholo oa 'Muso, Adv. Makhele Sekati o buile a tiisa boitlamo ba Lesotho ho litumellano tsa machaba le tsa libaka mabapi le litokelo tsa botho. O totobalitse katleho e seng kae e fihletsoeng, ho kenyeletsa ho thehoa ha Komisi ea Litokelo tsa Botho, tsoelopele ea ho ngola melao e mecha ea litokelo tsa botho, hammoho le ho nka karolo maemong a machaba le a tikoloho.

Sekati o boletse hore lekhotla lena le ne le shebane le ho lekola tsoelo-pele ea naha, ho hlahloba mananeo a teng le ho supa menyetla ea ho matlafatsa litokelo tsa botho. O ile a leboha balekane ba ntšetsopele, haholo European Union (EU) ka tšehetso ea bona ea lichelete tlhophisong ea mosebetsi ona.



O phethetse ka ho re lekhotla le totobalitse bohlokoa ba tšebelisoano lipakeng tsa 'muso, sechaba le balekane ba machaba ho aha sechaba se nang le toka, teka-tekano le ho kenyeletsa Basotho bohle.



Moemeli oa EU, Marcella Veneziani o bontšitse boitlamo ba EU ba ho loantša tlhekefetso ea bong (GBV) nakong ea matsatsi a 16. A re ho bohlokoa hore Naha

ea Lesotho e phahamise tlhokomeliso le ho nka bohato ka potlako, hape a totobatsa tlhokomelo ho mahlatsipa a tlhekefetso ho thusa hore ho be le sechaba se bolokehileng.

Tampose Mothopeng ho hlaha People's Metrix o boletse hore sethala sena ke



sa bohlokoa sa ho hlahloba, ho ikarabella, tšehetsa le ho aha sechaba se nang le toka le teka-tekano. O totobalitse hore mantsoe a sechaba sa LGBTQ a se a kenyelelitsoe liphethong tsa naha le likomiting tse ngata.

Mothopeng o boetse a hlalosa bohlokoa ba ntšetsapele ea leano la naha khahlanong le liketso tsa lehloeo, ho ntlafatsa kabo ea toka le ho netefatsa hore litšebeletso tsa bophelo e be tse lekanang ho bohle.

Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHILENG (LUKE 1:17)

Editorial

Lesoetsa Rakubutu

(+266) 6203 1949 / 58190670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

O phamolela phepo holimo

Nthabeleng Seithleko

Morena oa Sehlolo oa Mats'ekha, Peete Lesaona Peete o nkile ka sekaja ho futuhela litaba tsa phepo e fosahetseng le tlaa likolong le metseng. Sena o se etsa kamor'a ho mamela kopo ea Motlotlehi Letsie III, ea hore marena a kenye letsoho ntlafalong ea bophelo bo botle ba sechaba.

H'a bua phuthehong eo a neng a bitsitse baokameli ba Likolo tsa Mathomo, ka la 3 Pulungoana monongoaha, o hlalositse hore baokameli ba likolo ba tla tseba ho fetisetsa molaetsa ho litichere, ho ea ho bana ebe thuto e pharalla le metseng.

O re tlhokahalo ea lijo e lokela ho ba pale ea maobane metseng le likolong hobane e ama bophelo bo botle ba sechaba. O re seo a se hlohang ke ho bona likolo tsohle Bela-Bela li e-na le lijo, li lemela ho ja le ho rekisa. "Likolo tsa Mathomo ha li na chelete empa litichere tsa tsona ha li sitoe ho bua le sechaba ho kenya letsoho hore ho rekoe lipeo." Ke Peete eo.

O re ha joale ba hloka naha e ka iphepanang e le hore bana ba hole hantle e le bana ba ka emeloang le liqetong tse kholo. A re o hloka ho bona likolo tsa Bela-Bela tsohle li apere botalla li na le bophelo, 'me Setereke sa Berea se ipabola ka phepo e nepahetseng.

O ile a ipiletsa ho baokameli ba likolo ho sebetsa ka thata ho bona hore thuto e anela hohle le ho sebetsa 'moho le sechaba. A re o tla kopela likolo tšireletso hore lijalo tsa bona li bolokehe, le ba ka senyang ba nkeloe likhato tsa molao.

Motlatsi oa Mookameli oa Mokhatlo oa Lijo Lesotho (WFP), Aurore Rusiga o re boemo boo Naha ea Lesotho e leng ho bona ba leka ka hohle hore mafapha ohle a sebetse 'moho ho etsa bonnete ba hore kholo ea ngoana e ba e nepahetseng. A re boemo ba bokakachelana ka 2009 e ne e le 29^a.

"Ntho e bohloko ke hore bana ba angoeng ke bokakachelana ba bang ba likolong, ha ba bang ba le ka thoko ho tsona." A hlalosa joana.

O re litichere li lokela ho loanela hore bana bao ba khutlele likolong hore le bona ba be le bophelo. O re

ho khutlela ha bana likolong ho ka ba thusa le ho hlola bokhachane bo sa roang. A re e se e ka marena a mangata a ka ithuta ka tšebetso ea Morena Peete e le hore bohle ba be le leeto le tšoanang.

E mong oa Baokameli ba Likolo ba bileng 'mokeng ona, Lepoqo Masupha o hlalositse hore kopano ena e mo butse mahlo hobane o ne a ntse a hlalisa sekolong empa ba hlalissetsa ho ja eseng ho rekisa. A re o'a bona hore ke nako ea hore ba fetole mekhhoa ea bona ea ho etsa lintho.

Mohlalobi la Lekala la Thuto Seterekeng sa Mafeteng, 'Mahlompho Shaabe o supile hore kamor'a ho hlokomela litaba tsa komello, tlaa le ho tsoa ha baithuti likolong ba ile ba batlisisisa hore na seo se bakoa ke'ng. A re ba ile ba fumana hore har'a tse ling ke tlhokahalo ea lijo malapeng.

Ka hona o itse ba ile ba ikeletsa e le likolo tsa Mafeteng ho kena temong ba lema liahlolo le sechaba



hore likolo li be le lijo. A re Makaota a se a le boemong ba boiphihlelo kaha ho e-na le bana ba khutletseng likolong, joale ba lema ba rekisa, ba tšoara le lipontšuo tsa likolo ho hlaloba boiphihlelo ba likolo temong.

Mookameli oa Sekolo sa Mathomo sa Thaba-Phechela Mafeteng, Mokhele

Khesi ha tšoella litichere tsa Berea, o itse ba se ke ba laela feela empa le bona ba kenye linala mobung ho bona hore lijo li ba teng likolong.

O re ba sebetsa 'moho le sechaba ho bona hore lihlalisoa tsa bona li'a sireletseha, ba bile ba lema lijo tse fapakaneng molemong

oa phepo e nepahetseng. O re ha litichere li ka sebetsa ka thata thuto e pharalla ha bonolo sechabeng.

O kopile litichere ho nena ka hohle mantsoe a reng sekolo sa ka kapa litichere tsa ka kaha a arola bookameli le litichere 'moho le baithuti hobane ba lokela ho sebetsa 'moho.

DCEO e tšoasa lipoko



Nthabeleng Seithleko

Mookameli oa Setsi sa Taolo le Thibelo ea Bobolu le Bomenemene (DCEO) Adv. Brigadier Mantšo Sello o re lefapha la liphuputso le se le sebetsane le linyeoe tse 516 ho tloha ka khoeli ea 'Mesa ho fihlela ka Pulungoana selemong sena. Litaba tsena li hlaheletse 'mokeng oa bo-ralitaba oa la 3 Tšitoe monongoaha.

Har'a tsona, linyeoe tse ntseng li tsoela pele ke tse 146, 'me tse 77 tsa tsona li

ntse li le tlas'a lipatlisiso. O hlalositse hore sepheo sa bona ke ho qeta linyeoe tse 72 ka selemo, e leng tse 24 ka khoeli tse tharo.

Ha joale, linyeoe tse 22 li se li phethetsoe 'me tse 20 li koetsoe. Ho tloha ka 'Mesa ho isa ho Pulungoana, DCEO e bile le katleho ea ho tšoara matlotlo a amanang le bobolu a bo-leng ba M3, 950 000.00.

Sello o boetse a senola hore ho fumanoe ba bang ba 187 ba fumaneng chelete ho tsoa Lekaleng la Tekano, Bacha le Ntšetsopele ea Sechaba ka mabitso a maqheku. Tabeng ea lichelete tsa maqheku, M345, 850.00 e se e khutlisitsoe e le chelete e fumanong.

Mazenod Tailoring
transforming your image is our Passion
Readily available

KHOELEHETSO HO BACHA

Re kopa bacha bohle ba khoebong, tse ntseng li thuthuha le tse seng li iphumane ba bue le Moeletsi oa Basotho ho:

newsroom@moeletsiabasotho.co.ls kapa nomorong ea WhatsApp ea +266 62600983 ho arolelana le bacha ba bang ba nang le khahleho ea ho qala khoebo, empa ba sa tsebe ba ka qala joang.

MOELETSI O TŠEHETSA BACHA



Tšeliso Thakholi

Relebohile Tlapana (26) oa Khu-betsoana Seter-ekeng sa Berea ke mothehi oa khoebo e nyenyane e rekisang litlolo tsa letlalo, meroho e omisitsoeng, lihoapa le mangan-gajane e bitsoang Lesotho Products and Cosmetics, e thehiloeng linakong tse bo-ima tsa seoa sa COVID-19 sa 2019, 'me ea ngolisoa ka molao ka 2022 kamor'a hore a phethele lithuto tsa hae Sekolong sa Mesebet-si ea Matsoho le Lithuto tsa Mahlale sa Limkokwing.

Morero oa hae e ne e le ho etsa bophatlalatsi empa e itse h'a hlokomela hore a ka iphelisa ka lihlahisoa tse omisitsoeng le litlolo tsa let-lalo kaha a ne a etse hloko hore Basotho ba bangata ba sebelisa litlolo tse kotsi

tsa letlalo le moriri kaha ba bang ba bona letlalo a bona a ne a se a senyehile na-kong eo a neng a ba tlotsa.

SETHATHONG

Sethathong ha ke ne ke qala ho sebet-sa, khoebo e ile ea qala hantle le ha ho ne ho le boima ka lebaka la maemo a neng a hlobaet-sa ao bohle re a tsebang a seoa sa COVID-19, a ileng a ama likhoebo tse ngata. Lebaka le leholo le ileng la etsa khoebo ea ka e 'ne e hole le tlasa mathata ke tše-hetso e matla ea lichelete eo ke ileng ka e fumana ho batsoali ho tloha ka nako eo e boima ho fihlela ngoaho-la. Ke ba leboha ka tsela e khethehileng. Ke leboha le Basotho bao e saleng ba ntšehelitse ho tloha ka nako eo le ho fihlela kajeno ba re ba rata lihoapa le litlolo ha-holo.

Monate oa lihoapa le meroho e omisitsoeng ke hore motho a ka li sebeli-

sa ka linako tsohle e ka ba Hlabula, Selemo, Hoetla kapa Mariha. Athe litlolo tsa rona motho a ka itlotsa 'me-leng kaofela li sa omeletse letlalo kaha le ba mongobo hang h'a qeta ho itlotsa ka tsona. Li boetse li fokotsa le litšenyehelo.

KHOLO EA KHOEBO

Le ha ke se ke boletse hore khoebo ena e ile ea an-goa haholo ke COVID-19, e bonahetse e ntse e hola le tlasa maemo ao a boima le ho fihlela hajoale. Mofuta ona oa litlolo tsa lero la to-rofee re itlhlahisetsa tsona. Khoebo e ileng ea tlameha hore re e koale ha nakoana ka lebaka la COVID-19, 'me eo re sa tsoa e bula ka 2023 ke ea ho kuta le ho lokisa moriri. Taba eo e ile ea re otla maling a mpa habohlolo.

Ka mohau oa Morena Molimo ke ntse ke tsoela pele 'me ke hirile bacha ba bane ba nang le litsebo tse

fapakaneng bao ke sebet-sang le bona. Hona joale re mothating oa ho tla qala ea ho pheha lijo ka mefuta kaha re hlokometse hore ke li-ea-thoteng li bapile le ea lihoapa le meroho.

LIQHOLOTSO LE 'MARAKA

Liqholotso tseo re ko-panang le tsona ke tsa the-pa eo re etsang lihlahisoa ka eona kaha re nka nako e telele hore e hlalhojoe ke litsebi kaha e le nama, e tsoanelang hore ebe mae-mong a matle a hore e ka jeoa ke sechaba. Lintho tse tšelang lihlahisoa re li lata kantle ho naha, 'me ka nako e 'ngoe li lieha ho fihla. Bareki ba nkang thepa ka bongata ba lieha ho lefa ka nako eo re lumellaneng ka eona. Lihlahisoa tsa rona li fumaneha Maseru le Maput-soe.

TORO

Toro ea ka ke ho etsa kampani e kholo e hla-

hisang meroho e omisitso-eng, litlolo tsa moriri, letlalo, lisepe le 'vaseline' e le hore bacha ba bangata ba tle ba tsebe ho fumana mesebet-si. Ha joale re fokola haho-lo ka palo kaha khoebo ea rona e sa ntse e hola. Ke motlotlo haholo ka seo ke se etsang kaha kea itšebet-sa. Ho itšebetsa ke moseb-etsi o monate haholo feela o batlang motho ea nang le mamello, sebete le lerato la seo motho a se etsang le ho sebet-sa ka thata hore khoe-bo e atlehe.

KELETSO HO BACHA

Ke khothaletsa bacha ho sebelisa litalenta tse fapa-kaneng tseo Morena Molimo a ba fileng tsona e le hore li tle li ba tsoele molemo. Re kopa 'muso oa habo rona ho kenya letsoho le toma ka ho matlafatsa litalenta tsa bacha ka ho ba tšehetsa ka mekhoha ea hore ba tsebe ho itlhlahisetsa e seng ho hiroa.

W

E

N

WIDE FORMAT PRINTING

We offer durable, affordable & quick turnaround wide format prints. We can provide multiple options for indoors and outdoor applications - as well as produce any size you can imagine

FOR YOUR FUTURE WE CARE

Call or whats App: +266 28350815/ 22350224/ 68078124 (Whats app)

BANNERS

SIGNS

POSTERS

PRINTS

Mazenod

PRINTING WORKS (Pty) Ltd

Prepare good People for The Lord

RFWE e ba abela mangolo



Tšeliso Thakholi

Kampani ea Ralikhomo Fabrications and Welding Engineering PTY Ltd(RFWE) e abetse baithuti ba babeli ba phethetseng koetliso ea bona mangolo le ho tlotla ba bang bao Kampani e ileng ea ba fa monyetla oa ho matlafatsa litsebo tsa bona kamor'a ho phethela lithuto tsa bona likolong tse fapakaneng tsa thuto e phahameng. Mokete ona o ne o tsoaretsoe mabaleng a Liofisi tsa RFWE, Mazenod ka la 29 Pulungoana 2025.

H'a bua moketeng ona Mookameli oa RFWE, Monghali Toka Ralikhomo o boletse hore Kampani ea habo e sebetsa le baithuti ho hlaha likolong tse kholo tsa Fokothi, Limkokwing le Botho University, ho tla chorisana litsebo tsa bona e le hore ba tle ba tsebe ho ea fuoa mangolo a bona likolong tsa bona. Ka hona sepheo ke ho tla ba leboha ha ba ile ba sebetsa 'moho ka mofuthu.

A re ba boetse ba tlii'oa abela baithuti ba babeli mangolo ba phethetseng koetliso ea bona ea lithuto tsa ho sebetsa ka tšepe. A re ka lebaka la tlhokahalo ea mesebetsi kahar'a naha, ba ile ba elelloa hore ba lokela ho theha Lefapha la Koetliso ea Mesebetsi ea Matsoho, 'me ka Pherekhong monongoaha ke ha le qala ho sebetsa.

A re ba bile le baithuti ba pele ba babeli bana ba abetsoeng mangolo. A re pono ea Kampani ea habo

ke ho bona hore ba fe bacha likoetliso tsa mesebetsi ea matsoho e le hore ba tle ba tsebe ho ithlahisetsa mesebetsi. A ipiletsa ho bacha ho tla ka bongata ho tla iphumanela mekhoe ea boipheliso kaha lithupelo tsena li sa shebe haholo maemo a thuto empa li buletsoe batho bohle ba ka ratang ho ntlafatsa bophelo ba bona. A qetella ka ho kopa Basotho ho ba tšehetsa e le hore khoebo ea bona e tle e tsebe ho hola.

Lebitsong la litichere tsa hae tsa mehleng, Benghali Mokhele le Mokhethi ba thoholelitse tšebetso eo Kampani e etsang kahare ho tikoloho ea Mazenod. Ba re e bohlokoa haholo kaha e tlii hlabolla bacha le ho ba thusa ho ithlahisetsa mesebetsi. Ba khothaletsa bacha ho tla ka bongata ho tla anya e tsoele le mohasula.

Monghali Thabiso Hashatsi lebitsong la batsoali eena o qalile pele ka ho leb-

oha batsoali ba mothehi oa Kampani ena, "me ho bonahala re ea hole ka ntate Toka. Ke se ke ntse ke leboha batsoali ba hae ka eena." A re e se e ka batsoali ba ka nyenyeletsana hore ba tliise bana ba bona koano ho RFWE, "e hile bophelo bo teng, 'me seliba se teng ha ba tle ba tlii'oa noa metsi ana a seliba se monate.

H'a bua lebitsong la baithuti ba ileng ba fumana koetliso le ba neng ba abeloa mangolo, Nthabeleng Mofolo o lebohile boithuto boo ba ileng ba bo fumana koano Kampaning, 'me a lebohela le ba fumaneng mangolo esita le ba ntseng ba le kahar'a koetliso. A re ba motlotlo haholo ho bona hore ha ba ntse ba e-tla koano ho tla ithuta ho na le lipheto ho tse kholo tsa bohlokoa tseo ba ntseng ba li etsa. A kopa ba neng ba abeloa mangolo ho se tšepe ho hiroa empa ho ea iqalla mesebetsi ea ho iphelisa.



Ba kopa 'muso ho pharalatsa khokelo

Nthabeleng Seitlheko

Ele ho ntlafatsa bacha ka litaba tsa tšebeliso ea marang-rang e ntlafetseng le boqapi, Sehlopha sa Google Developer se ketekile letsatsi la ntlafalo ea marang-rang (Dev-Fest) ka la 29 Pulungoana monongoaha.

Mohlophisi oa 'moka ona, 'Mafusi Ntsau o itse bacha ba lokela ho sebelisa marang-rang ho iphelisa le ho imatlafatsa e le karolo ea ho ithehela mesebetsi. O re ho bonahala bacha ba Lesotho ba ntse ba saletse morao tšebeliso ea marang-rang e leng se etsang hore le

meng h'a tsebe ka eona.

A re tšebeliso e nepahetseng ea marang-rang e bula menyetla le hoja batho ba bang ba a sebelisa ho hobosa, ho nyefola le ho nyotobetsa ba bang. A re ho bohlokoa hore batho ba fetole mokhoa oa bona oa ho sebelisa marang-rang molemong oa ho ntlafatsa litaba tsa bona.

Tse ling tsa litaba tse hlahetseng 'mokeng ona ke ho khothaletsa bacha ho theha lihlopha tse ba thusang ka marang-rang le ho matlafatsa litaba tsa thuto. Morero ke hore ba qetelle ba anetse litereke tsohle kaha ba fihlile ka selemo sa 2020 'me ba hola ka le-sisitho.



menyetla e ka bang teng e ba tlole holimo. O tsoetsoepele hore ke lekhetlo la pele Naha ea Lesotho e keteka mosebetsi ona kaha ka linako tsohle ba lula ba ea linaheng tse ling ho keteka.

"Ke ha re qalile ho keteka 'me ka letsatsi le leng re lakatsa ho bona bacha ba e-na le lihlopha tse fapakaneng ho ntlafatsa taba ena." Ke Ntsau eo.

O re marang-rang a jere bophelo ba sechaba 'me ha joale ho hloka hloa boqapi bo hloahloa, kutloisiso le tsebo ea tšebeliso ea marang-rang. A re seo ba tlang ho se etsa ke ho anetse thuto kahar'a sechaba ho bona hore bohle ba utloisisa ka tšebeliso ea marang-rang.

E mong oa bacha ba bileng 'mokeng ona, Tšepiso Serabele o hlalositse hore ketekelo ena e hlalimollotse keello ea hae hobane o tseba ka marang-rang empa menyetla e

E 'ngoe e kholo ke hore khokelo e fokalang ea marang-rang e etsa hore bacha ba bangata haholo ba phelang ka lithabeng ba sitoe ho iphumana le ho tseba ka lintho tse ncha. Ka hoo, ba ipiletsa ho 'muso ho ntlafatsa khokelo ea marang-rang hore a anele bohle e le karolo ea ho arabela Lipehelo tsa Ntšetsopele ea Moshoelella (SGDGs) haholo e bua ka kanetso ea marang-rang le moruo o kenyeletsang bohle.

**Tseba boemo
ba hau u
alafshoe**



Mekhatlo e thoholetsa Baylor

Nthabeleng Seithleko

Mekhatlo e lke-metseng e thoholelitse Baylor College of Medicine Children Foundation Lesotho ka tšebetso ea eona e tsoileng matsoho le ho boloka bophelo bo botle ba bana. Litaba tsena li hlahaletse ketekelong ea lilemo tse 20 setsi sena se ne se theoe, ka la 2 Tšitoe monongoaha.

Ngaka ea bana setsing sena, Dr. Lineo Thahane o hlalositse hore ba motlotlo hore ho tloha selemong sa 2005 ba atlehile ho boloka bophelo ba bana, ba tsamaisana tsela 'moho le batsoali le bahlokomeli ba bana. O re leeto la bona le ne le e-s'o be bonolo la ho hlokomela bana ba phelang le tšoaetso ea HIV empa ba motlotlo hore le maemong ao a bileng thata ho na le bana ba ileng ba phela ha ba bang ba sa ka ba atleha ho ba le bophelo.

Setsi sena se ne se buloe ka selemo sa 2005, ba sebetse literakeng tse robong ba se ba atlehile ho thusa bana ba kaholimo ho likete tse hlano. O re ha ba shebane le kokoana-hloko ea HIV feela, empa ba boetse ba shebana le Lefu la Lefu-

ba (TB) ho fana ka tlhabollo le ho etsa liphuputso.

E mong oa bacha ba uneng molemo setsing sena, Thapelo Majoro o hlalositse hore setsi sena se bapetse karolo e kholo bophelong ba bona, kaha ba phetse hobane setsi se ile sa itella ho tsetela bophelong ba bona e le bana ka ho boloka bophelo.

A re ba leboha baoki le lingaka tsa bona ka ho itella bona ho fihlela mona, ba leboha lilemo tsena tseo Baylor e bileng teng ka tsona hobane e atlehile ho boloka bophelo ba bona.

Lebohang Mothae ho hlaha Komising ea Naha ea AIDS (NAC), o itse ba leboha setsi sena ka ho hlokomela kholo e ntle ea bana le bophelo ba bona bo botle. A re setsi sena se thehiloe lilemong tseo ho neng ho le boima empa le kajeno se ntse se setletse.

O itse le lilemong tsena ho ntse ho na le bana ba hlahang ba e-na le tšoaetso hobane batsoali ba bang ba ile ba sitoa ho fumana litšebelutso ka nako, ha bang ba e-s'o tsebe boemo ba bona. A re ba lokela ho sebetse ka thata ho bona hore qetellong ha ho bana ba hlahang ba e-na le lefu lena.

Mamello Makoele ho hlaha LENASO, o itse o lebohela setsi sena ka mosebetsi ona o moholo oo se o



etsang le ho fana ka litšebelutso tse ntle tsa bophelo.

Tampose Mothopeng ho hlaha People's Metrix, o supile ba thabile hore ebe Baylor e bolokile bophelo ba bana, hape o ile a bona hore e boetse e kentse tšebetsong moralo oa ho arabela litaba tsa batho ba nang le bokooa. O re o motlotlo kaha hoo e le kholo le ho kenyeletsa bana bohle kahar'a litšebelutso. O se thoholletse ka ho ela hloko sechaba le ho sebetse 'moho le sona.

Setsi sena se ne se thehoe ka selemo sa 2005, sa buloa ka molao ke Motlotlehi Letsie III.



Phetoho kalafong ea HIV/AIDS

Nthabeleng Seithleko

Rakhantša Le-hloele ea phelang le kokoana-hloko ea HIV/AIDS, o re nako ea litšomo le litšokelano khahlanong le batho ba phelang le tšoaetso e felile, hobane thuto e bonahala e anetse kahar'a sechaba. O boletse litaba tsena, ketekelong ea Letsatsi la Lefatše la ho hopola Batho ba ileng ba oela moleng oa ntoea ke lefu lena, ka la 1 Tšitoe monongoaha.

O re ke mocha ea emang le ho bua ka sebete le batho hobane a tseba boemo ba hae ba bophelo, a ikemetse. O re ho phela le tšoaetso ha ho oa mo sitisa ho tsoelapele ka litoro tsa hae. O khothalelitse bacha ho noa lithlare ha ba kula, ba se ke ba lahleheloa ke tšepo ba sebeletse bokamoso ba bona ho sa natsoe boemo ba bona.

Ka lehlakoreng le leng,

'Makoena Malaka o hlalositse a e-na le lilemo tse 31 a phela le tšoaetso empa le kajeno o ntse a eme a phela joaloka batho bohle. "Ke ne ke le mosali ea lahleheloa ke bana ba sa phele, ke fetetsoe ke bana ba 4 pele ea phelang kajeno ea hlahileng ka selemo sa 2005." ke Malaka eo.

O re ke hona nakong eo a ileng a hlokalhalloa ke molekane, eena a ea setsing a isa ngoana ea ileng a fumanoa a e-na le tšoaetso. O re ho bile boima ho holisa ngoana ea nang le tšoaetso empa kajeno eo ke mohlankana ea ikemetseng joaloka ba bang ea rutehileng.

A re ho phela le tšoaetso ka mokhoa o tšoanang ha ho oa mo sitisa ho tsoelella, ke hona leetong lena moo le eena a ileng a hlokomela hore o phela le tšoaetso a ba lithlareng 'me o ntse a phetse hantle.

Makorina Phakisi ho hlaha Mokhatlong oa Batho ba phelang le Kokoana-hloko ea HIV, o hlalositse hore ba

keteka letsatsi lena phano ea lithlare litsing e thehile ka palo e ngata, kaha motho a se a fuoa lithlare tsa khoeli eseng tsa likhoeli tse ngata joaloka pele. O re taba ena e amme mesebetsi ea ba bangata hoo ea ba bang e seng e felile hobane bahiri ba ba hanela ho lata lithlare litsing tsa Bophelo. O re ba khothaletsa batho ba e-s'o tsebe boemo ba bona hore ba bo tsebe



molemong oa bophelo bo botle.

Letona la Bophelo, Mohlomphehi Selibe Mochoboroane o re banna ba lokela ho ea litsing ho hlahlobela mafu kaha palo ea bona e fokola haholo. O re basali ba tšoare ka matla litabeng tsa ho ipoloka khahlanong le lefu lena empa ho bonahala banna ba kikitela.

A re re sebeletsa naha eo bokamoso ba sechaba sa eona bo se nang ho ba le mafu ka hohle-hohle. A re ha re sa le nakong eo bana ba ka hlahang ba e-na le tšoaetso ka hoo ho hlokalhalang ke hore bohle ba nke boikarabello.

Motlotlehi Letsie III o hlalositse hore letsatsi lena le hopotsa bohle ho hetla morao leetong lena, ka ho hopola batho bohle ba ileng ba oela moleng oa ntoea ka lebaka la tšoaetso ea HIV/AIDS. O re ho bohlokoa hore batho bohle ba lule ba falimehile nako le nako, bohle re tšoarane ka matsoho ho loantša lefu lena.

Ke hona ketekelong ena moo, Letona la Bophelo Mohlomphehi Selibe Mochoboroane o phatlalalitseng hore ho tloha ka khoeli ea Hlakola isao, Naha ea Lesotho e tla kenya tšebetsong ente ea nako e telele ho thibela litšoaetso tse ncha tsa HIV/AIDS, e tli' o entoa habeli ka selemo. Ente ka 'ngoe e tli' o nka likhoeli tse tšeletseng 'meleng, ka hoo ha feela motho a entile habeli ka selemo o tla be a itširelelitse khahlanong le tšoaetso ea HIV/AIDS selemo kaofela.

Ho sa le joalo, Lesotho le atlehile ho feta 95:95:95 'me ha joale le lelekisa 97:97:99. Sena se bolela hore le tli' o sebeletsa hore 97% ea Basotho e tsebe boemo ba eona, 97% ea batho ba tsebang boemo ba bona ba noe lithlare ka nepo, le hore 99% ea ba tsebang boemo ba bona le ho noa lithlare ha e bake litšoaetso tse ncha.

Mohoo oa selemo sena o re: "Moralo oa moshoelella toantšong ea HIV/

Boriba e tšoarela bacha thupelo

Tšeliso Thakholi

Polasi e fanang ka litsebo tse khethehileng tsa tlhahiso ea lijo ho bacha e leng Boriba Farm, e tlo tšoarela bacha ho hlaha literekeng tse 10 tsa naha thupelo ea libeke tse peli moo e tlang ho ba hlahlella ka litsebo tse kenyeletsang har'a tse ling ho itlhalisetsa lijo e leng temo ea boemo bo holimo, paballo le poloko ea lijo, litaba tsa khoebo, boitšoaro bo botle le boithapollo. Thupelo ena e tlo tšoareloa Boribeng Seterekeng sa Leribe ka la 10 ho isa la 20 Tšitoe 2025.

Puisanong le e mong oa bahlophisi ba thupelo ena Monghali Ntšekhe Tlaba o itse joalokaha e le lekhetlo la bobeli ba tšoara thupelo ea mofuta ona ba qala pele ka ho tšoarela batsoali liphutho e le ho ba bontša bohlokoa ba mosebetsi oo ba o etsang, le ho ba kopa hore ba lokolle bacha ho tla likoetlisong tsa mofuta ona kaha li le bohlokoa haholo bophelelong ba bona.

A bontša hore Boriba Farm e sebetsa haholo ka ho hlahisa lijo, poloko ea lijo, le ho li hlophela ho ea 'marakeng sebakeng



sa thekiso. "Boriba e hlahisa meroho ka mofuta e kang kabeche, 'beeroot,' chillis le e meng e mengata. E boetse e hlahisa liperekisi le 'strawberry.' Ka mofuta ena e fapakaneng ea lihlahisoa tsa rona re hlahisa 'source' le jeme." A rialo.

A supa hore selemo le selemo nakong eo likolo li koetsoeng ba fana ka lithupelo ho bacha ba nang le lerato la ho etsa mosebetsi oa matsoho. "Re na le ntho e bitsoang Farm Camp eo re e tšoarelang bacha bohle ba Naha ea Lesotho lithupelo. Ha se bacha ba Leribe mona feela empare buletse bohle ba ka khahloang ke ho tla ithuta mosebetsi oa temo. Re ba rupela ka mahlale a khoebo, litaba tsa ho iphelisa, boitšoaro bo botle e leng moo re ntseng re

leka ho otlamocho e mocho." O boletse joalo.

ho tseba ho itlhalisetsa mosebetsi kaha ho bona-





A re lithupelong tsena ba amohela bacha ba liemo li 14 ho isa ho 24. A re morero o moholo oa bona ke ho thusa bacha

hala matsatsing a morao tjena, karolo e kholo ea bacha e tobane le bothata ba tlhokahalo ea mosebetsi. Ka hona o bona e

le bohlokoa hore bacha ba qale ho itlhalisetsa mosebetsi ka temo kaha e se na litšenyehelo tse ngata ha motho a qala khoebo ea temo.

A re tšehetso e kholo eo ba e hlokanang ho sechaba ke hore se ba thusa ka litsebo e le hore mosebetsi oa bona o tle o tsebe ho atleha. "Ho na le bahoebi ba nang le litsebo tse fapakaneng tseo re hlokanang hore ba tli'o re thusa ka tsona nakong ena ea lithupelo ho hlahlella bacha ka litsebo. Re hloka lithuso le litsebo tseo tsa bona." A rialo a bile a qetella ka ho ipiletsa ho batsoali ho lokolla bacha ho tla ka bongata thupelong





Across

- 1 'M'e oa mosali oa hau. (9)
- 6 Khaitseli ea monna oa hau. (6)
- 10 Pitsi e telele. (9)
- 11 Nama e omisitsoeng. (7)
- 12 Khaba (8)
- 14 Ausi a seng a le moholo haholo lilemong a e-s'o nyaloe. (8)
- 15 Moroho oa naha. (8)
- 16 Ho hlokomelisa motho seo a sa se tsebeng. (6-5)


Down

- 2 Mohlankana ea nang le selemo a bolotse. (7-7)
- 3 Bashanyana ba bolotseng ba seng ba hlatsoitse letsoku ba ntse ba tena litšea. (12)
- 4 Sehlopha sa bashanayana ba bolotseng ha ba ntse ba ithoka. (9)
- 5 Ha le nepahetse le ngoloa joang, thlahlamano? (12)
- 7 Mohlankana ea seng moholo haholo lilemong a e-s'o nyale. (6)

- 8 Pere e tona. (7)
- 9 Thabisa lihoho. (5)
- 13 Ngoanana ea lilemong tsa ho nyaloa empa a e-s'o nyaloe. (7)

THAROLLO

MoB 93-4613





TSA KEREKE

Talenta ha e sebelisoa e'a hola-Khoaele

Tšeliso Thakholi

Moprista oa Parish ea Maria Mofumahali oa Lefatše, Fr. Patrick Khoaele OMI o re talenta ha e sebelisoa e'a hola ebile e tsoela mong'a eona le ba bang molemo, empa ha e sa sebelisoa e ke ke ea tsoalla motho letho. O buile tsena moketeng oa ho khakola le ho hlohonolofatsa CD e ncha ea Baena ba Setefane e bitsoang Abba, o neng o tsoaretsoe Holong ea Sekolo se Phahameng sa Mazenod ka Sontaha sa la 30 Pulungoana 2024.

Fr. Khoaele o boleletse

seng ho ikhaba ka tsona le ho ipatlela thoriso."

Ho ea ka baqapi ba lipina tsa Baena ba Setefane Monghali Tsoamotse le Fr. Peter Thibinyane OMI ba ntsoeleng hore ha ba qape lipina tse ka thoko ho litšebeliso tsa Kereke, empa tse kopanyang bakriste ho ba etsa ngatana-'ngoe. "Lipina tsa rona ha li sa re biletse litšebeliso tsa Kereke ha se tsona, le re bolelle re tlohe moo kaha re tla be re le sebakeng se fosahetseng." Ba rialo ba bile ba tiisa hore kamehla lipina tsohle tsa bona li lokela ho nyalana le litšebeliso tsa Kereke. Ba re nakong ea boqapi tšusumetso e bang teng ea ho

'me polokong ea Jesu oa re thabisa ka linako tsohle. Pina ea ho qetela e ratoang haholo ke e bitsoang 'A nka bohobe.' Mo-laetsa oa pina ke pontšo ea nako eo Jesu Kriste a neng a hloma Sakramente ea Eukariste e Halalelang e le motheo oa Kereke.

Mantsoe a pina ena a baleha joana: "Ha re ngoathelana bohobe, re qhatsetsana veini, re etse joalo ka ho mo hopola. Rea leboha ka 'Mele oa Morena le Mali a Morena, teng re fumana matla, le thabo ea kamehla, 'Mele ona ke sejo sa bophelo, le Mali ana, ke seno sa pholoho, teng re fumana matla le thabo ea kamehla."



Baena ba Setefane hore ba na le lebaka la bohlokoa la ho itebohela haele mona ba sebelisitse talenta ea bona ka nepo, 'me e tla ba tlisetsa litholoana tse molemo 'moho le Kereke ea habo bona, Parish le sechaba sohle sa Morena Molimo. "Tšoarang ka thata le tiee, 'me mosebetsi oo oa lona oa ho bina o le thuse ho nyolla moea oa Mohalaleli Setefane kahare ho lona le oa besebeletsi." A rialo. A hlokomelisa bohle hore talenta e'a sebelisoa ha e bolokoe e le hore e tle e tsebe ho tsoela mong'a eona molemo. "Ka holi-mo ho tsohle litalenta li bohlokoa ha li etsoa ho tlotlisa Morena Molimo e

thophotheloa ke Moea o Halalelang.

Har'a lipina tse sisimosang pelo letlapeng lena la Baena ba Setefane le bitsoang Abba ho na le e bitsoang 'Litsietsi tsa rona' e leng e supang hore litsietsi tsohle tsa rona re li rolele ho Morena hoba ke eena ea re baballang le ho re hlokomela, 'me re fele re rolele meroalo ea rona ho eena e le ho qoba khatello ea maikutlo.

Pina ea bobeli eo e leng thatohatsi ke 'Ke tsamaea moriting' 'me se fuperoeng ke pina ena ke hore 'moho ha re roriseng poloko ea Jesu Kriste. Re tsamaea moriting tlasa letsoho la Jesu, re baballoa ke eena,

Thapelo ea Khotso

Oho Molimo oa toka le khotso, re hlonolofatse rona baahi ba Lesotho, 'me u re thuse ho phela khotso le leratong la hao.

"Morena, nketse mosebetsi oa khotso ea hao. Moo lehloeo le leng teng, ke jale lerato. Moo batho ba fosetsanang, ke jale tsoarelo. Moo lipelaello li leng teng, ke jale tumelo. Moo batho ba nyahameng pelo, ke jale tšepo. Moo lefifi le leng teng, ke tlise leseli, Moo masoabi a leng teng, ke jale thabo. Molimo oa ka, etsa hore Ke se ipatlele ho tšelisoa, ke mpe ke tšelise ba bang. Ke se ipatlele ho utloisiso, ke mpe ke be ea utloisisang ba bang. Ke se ipatlele ho ratoa, e mpe e be 'na ea ratang ba bang, Hobane ke ka ho fana, re fumanang, ka ho tsoarela, re tsoareloang. Ka ho shoa, re tsoalloang bophelo bo sa feleng.

Amen."

2025-2026 SELEMO A

Sontaha sa 2 sa Advente



Isaia 11:1-10
Pesalema 71
Ba-Roma 15:4-9
Matheus 3:1-12

Khothatso



Ho lokisa litsela tsa Morena

Boholo ba batho ha ba ile ba etsa litšepiso ha ba phethahetse, 'me seo se fetola ba tšepisoeng batho ba mosito. Leha ho le joalo, lipalo tsa nako ea Advent li tletse litšepiso tse tlang ho tla le Messia. Lithaba li tla batalatsoa, likhohlo li katoe, mebila e otlo-llole, lehoatata le mele lipalesa, mafutsana a bone toka, ba fokolang ba ke ke ba hlola ba hatelloa le nto e tla tlosoa lefatšeng. Lintho tse khahlisang kaofela ha tsona, empa Kriste o tlele 'me ho fetohile hanyenyane feela. Ka lebaka lena re ka botsa: ho etsahetse'ng ka litšepiso? Ak'u shebe sebopeho sa lefatše; ho ntse ho e-na le tlala, mafutsana a sebelisoa hampe le khotso ea lefatše ke toro feela.

Monna e mong o ile a hirisetša malapa a mabeli ntlo e ntle e nang le lintho tsohle, malapa ana ho tloha qalong eaba a se a ntse a sa thabelane; a soenyetsana linko le melomo. Hoo qetellong a bileng tlholisanong ea hore na ke lefe le tla feta le leng ka borui. Ho n'o e-na le phaposi e kaatlase eo lelapa ka leng le ileng la e hirisetša mafutsana hore le fumane chelete. Lelapa ka leng le ile la nahana hore le leng le rera ho le bolaea ha le robetse bosiu, ka hona ba reka libetsa tsa theko e holimo haholo, ka chelete efe? Eane ea mafutsana; ao ekareng ha liboomo tseo li qhoma e-ba sono ka ona. Mariha hoa bata 'me a itela ho malapa eaba ona h'a natse ka letho a ituletse kaholimo hamonate. U nahana ho tla etsahala'ng ka malapa ao?? Mohlomong mong'a ntlo o tla fihla hore a ikarabelle bohlasoeng ba ona.

Ke nahana sena se fana ka setšoantšo sa lefatše leo re phelang ho lona, joale ak'u nahane hore na ha ho ka ba le moromuoa ho bolella malapa ho tlohela mona le bonyollo, ho bulela mafutsana lipelo tsa bona, na a ka mamela? Ha ke tsebe, empa Bakriste ba lokela ho ba barumuoa. Feelha haeba le bona e le karolo ea mathata ho tla ba thata hore ba tle ka tharollo. Ha se ntho e ka etsahalang hore toka e ka ajoa haeba ba lebeletsoeng ho e ba e le karolo ea ba etsang hore ebe sieo.

Lefatše le fetohile lehoatata le se nang letho, 'me Bakriste ba khutsitse. Haele litšepiso tsa bapofeta tsona ho iphanyelitsoe tsona, leha ho le joalo ha se litšepiso feela empa ke likahlolo. Selepe se se se lutse metsong ea lifate, ka hona litšepiso tsena li lokela ho nkoa e le 'nete ke balateli bohle ba Kriste.

Lefatše le lecha ('Muso oa Molimo) le ahiloe pele holim'a Kriste Jesu ka sebele; ke eena popo e ncha. Mona re na le motho ea khutliselitsoeng setšoantšong sa Molimo Ntate, 'me ka mantsoe le lipolelo tsa hae Kriste o butse 'Muso oa Morena lefatšeng lena la ba phelang. Ka Kereke o tsoelapele ka mosebetsing oa hae, ka hona Bakriste ha b'a lokela ho emela litšepiso tsena ho theoha leholimong joaloka manna. Litšepiso tsena ke seo motho a kang se fihlelang ka grasía ea Morena, e fanoeng ka lerato ke Kriste.

Lefatše le mahlokong, mahlomoleng a tšebang; le llela pholoho eo le sa tsebeng hore na e ka tsoa kae, empa Bakriste bona ba tseba hantle. Balumeli ba biletsoa ho rata lichaba tsohle le ho tlosa mahloko a tsona. Mathata a lefatše a mangata haholo empa tharollo e teng; ha feela bohle ba arolelana lihloholoeng, tsohle li ka khutlela setloaeling. Bakriste ha b'a lokela ho tšaba ho bua phatlalatsa khahlanong le lintho tse sitisang khotso le botsitso.

Kaholimo ho tsena tsohle Bakriste ba lokela ho se lahle tšepo ea hore tsohle li tla etsahala, kaha ea tla li phethahatsa a ke ke a ba phoqa le ka mohla. Mosebetsi oo ba o etsang ha se oa bona, ka hona ba tla fuoa lisebelisoa tsohle.

Bahalaleli har'a Beke

8	Tšitoe	Romarc
9	Tšitoe	Leocadia
10	Tšitoe	Gemellus
11	Tšitoe	Mopapa Damasus I
12	Tšitoe	Vicelin
13	Tšitoe	Jodoc

Limathi tsa Lesotho li'a ipabola



Tšeliso Thakholi

Limathi tse hloahloa tsa Lesotho tsa mabelo a matelele e leng Khoarahlane Seutloali le 'Neheng Khatala li ntse li tsoelapele ho bontša boiphihlelo litlholisanong tsa machaba, ka ho ikhapela mabelo a mokoka a botelele ba 21.1km le 42.1km a neng a mathoa Naheng ea Afrika Boroa ka Moqebelo oa la 29 Pulungoana 2025.

Likhalala tsena tsa Lesotho tse ileng tsa ipabola le ho thabisa Basotho ka ho

phahamisa folakha ea naha mabelong ana ka ho banna Khoarahlane Seutloali ke eena mohloli e mocha oa lebelo la botelele ba 42.1km la Soweto Marathon ka nako ea 2:20:09, bobeling ea e ba Ntsidiso Mphakathi oa Afrika Boroa ka nako ea 2:20:24. Athe mohloli oa ngoahola e leng Onalenna Khonkhothe oa Afrika Boroa nto a ile ea mo imela a hlahe boemong ba boraro ka nako ea 2:20:47.

Haele ba leshome ba tsoileng khoeleng pele, kapa ea mabelo a matelele Lebenya Nkoka o ile a tsoa boemong ba borobong ka nako ea 2:22:47 kamor'a ho thula khoele ka lipeta.

Athe ka ho basali Margaret Jepchumba oa Naha ea Kenya o hlahile boemong ba pele ka nako ea 2:34:33, bobeling ea eba Elizabeth Mokoloma oa Zimbabwe ka nako ea 2:35:59. Ha limathi tse kotsi tsa basali tse neng li shebiloe ka leihlo le nchocho lebelong lena e leng Gerda Styn le Irvette Van Zyl ba hlahile borarong le bobeli ka tatellano.

Kamora hore 'Neheng Khatala a hape lebelo la botelele ba 42.1km ngoahola, selemong sena o ile a ikeletsa hore a ke a kenele la botelele ba 21.1km moo a ileng a etsa nalane ka ho ikhapela lona ka nako ea 1:15:21, bobeling ea e ba

'Mathakane Letsie oa Lesotho ka nako ea 1:22:58 ha borarong e bile Nokukhanya Memela oa Afrika Boroa ka nako ea 1:33:36. Ngoahola lebelong lena se seng sa limathi tse matla tsa Lesotho Blandina Makitisi o ne a hlahe boemong ba boraro ka nako ea 1:19:00 ha Reitumetse Thethana oa Lesotho a ne a hlahe boemong ba boraro ka nako ea 1:27:30.

Haele lebelong la ho qetela la 10Km mohloli e bile Pakiso Mthembu oa Afrika

Boroa ka nako ea 0:31:37 ha bobeling e bile Tsietsi Sello oa Lesotho ka nako ea 0:32:05. Botsamaisi ba lipapali tsa mabelo kahare ho naha bo thoholelitse le ho lebohela limathi tsena tsa Lesotho ka tšebetso ea tsona e tsoileng matsoho. Ba ipiletsa ho Basotho bohle ho tšehetsa papali ea mabelo kaha e sa ntse e le eona feela e thabisang Basotho ka ho ba tlela le tlhoho boemong ba lipapali tsa machaba.



Lishoeshoe e bopetse Refiloe

Tšeliso Thakholi

Sehlopha sa Naha sa Papali ea Bolo ea Maoto ea Basali sa ba lilemo li ka tlase ho 17 sa Lishoeshoe, se ntseng se le letšolong la ho itokisetša lipapali tsa Mohope oa CAF U17 Integrated Football Tournament (GIFT), tse il'o tsoareloa Harare, Zimbabwe ka la 8 ho isa la 18 Tšitoe monongoaha, se tlii'o thulana le sa Refiloe Ladies ho hlaha Gauteng Naheng ea Afrika Boroa.

Lipapali tsena tseo e leng lekhetlo la bobeli li tsoaroa monongoaha, li arotsoe ka Mekhahlelo e 'meli e le A le B e bopiloeng ka lihlopha tse 'ne mokhahlelo ka mong. Mokhahlelong oa A lihlopha tse tlang ho botsana lipotso ke Mamelodi Sundowns Ladies ho tsoa Afrika Boroa, Otjiwarongo Sports Academy ho tsoa Naheng ea Namibia le Mpopoma Sports Academy ea Zimbabwe e leng sona sehlopha se tla

beng se amohetse baeti.

Lishoeshoe e Mokhahlelong oa B moo e panong le Refiloe Ladies ho tsoa Gauteng, Aguilla Stars Ladies ea Zambia le Okakarara Golden Ladies ea Namibia. Ha li qala li tlhola Lishoeshoe e tla thulana le Refiloe Ladies Lebaleng la Ngoni Mwos, Zimbabwe ka la 9 Tšitoe. E be ha e qeta ho sasara Refiloe Ladies e boele e bapale papali ea eona ea bobeli le Aguilla Girls ea Zambia ka la 12 Tšitoe, ebe papali ea eona ea ho qetela e tla isana holimo le tlase le Okakarara Golden Ladies ea Namibia.

E bang se hlola lipapali tseo se tla phunyeletsa ho leba mokhahlelong o hlahlamanang ho fihlela se kena ho lihlopha tse 'ne tse tlang ho nkhisetsana mahafi lipapaling tsa makhaola-khang tse tlang ho ba Lebaleng la Ngoni Mwos ka la 18 Tšitoe. Ho fihlela hajoale, Sehlopha sa Lishoeshoe ha se e-s'o bapale lipapali tsa setsoalle le ha e se e le 'ngoe e le ho ithophela lipapali

tsena.

Potso e kholo eo barati ba bolo ba ntseng ba ipotsa eona ke hore na Lishoeshoe haele mona e-ea lipapaling tse kholo tsa machaba, e-s'o bapale papali le e

'ngoe feela ea machaba na e tla o besa o tuke? Che ha re tsebe re se re tla boka ha li oroha.

Haele Mokhahlelong oa B teng, Mamelodi Sundowns Ladies e tlii'o qala lipapali

tsena ka ho fatelana ma-koatsi le sehlopha se kotsi haholo sa Naha ea Malawi e leng Luwanga Academy ka la 8 Tšitoe. Mpopoma Sports Academy ea Zimbabwe eo e tla beng e le eona e amohetseng baeti e bapale le Otjiwarongo Sports Academy ea Namibia.



O behelloa kathoko

Tšeliso Thakholi

Botsamaisi ba Sehlopha sa Bolo ea Maoto sa Lioli ebile e le sona bompoli ba sireletsang sekola sa Liki e Kholo, bo behelletse kathoko mokoetlisi Bongani Maseko hanghang ka Sontaha kamor'a hore Lioli e bapale ka ho lekana le Manonyane ka 0-0, sa ba sa fa motlatsi oa hae Monghali Bahlakoa-na Mohoanyane ea tsoang sehlopheng sa Maroala, ho tsoa a ntse a tsoere mosebetsi oa bokoetlisi.

Litaba tsena li netefalitsoe ke Raliphatlatso oa sehlopha Monghali Bokang Phasumane ea bontšitseng hore Monghali Maseko h'a lelekoa sehlopheng sa Lioli e ntse e le mokoetlisi oa sehlopha. Empa se etsahetseng ke hore Komiti e Kholo ea sehlopha sa Lioli kamor'a ho ela hloko hore tšebetso ea sehlopha ha e ntle, e ile e tlameha ho kena lipakeng ho hlahloba hore na hantle bothata ke bofe.

A re ba ile ba boela ba hlokomela hore ho ke ke ha e ba bonolo ho botsamaisi ho hlahloba maemo a tšebetso a mokoetlisi a ntse a sebetsa kahare ho sehlopha. "Ba fihlela qeto ea hore ba ke ba 'mehe kathoko ha nakoana a ke a tsoe a ntse a le ofising ea Lioli a ntse a etsa a mang a mabaka a hae a bokoetlisi, a se lebaleng ho fihlela komiti e qetile tšebetso ea eona." A rialo.

A re morero o moholo oa komiti ke ho hlahloba libapali le litaba tsa mokoetlisi nakong ea koetliso. A re e boetse e tlii'o hlahloba mahlakore ohle a tsamaiso ea sehlopha. Ka hona mosebetsi oa sehlopha oa boitokisetso ba ho tla sireletsa sekola monongoaha o ke ke oa ema, ke ka lebaka lena komiti e entseng qeto ea hore motlatsi oa hae a 'ne a tsoe a ntse a li hula nthau ho fihlela mokoetlisi a khutlela tšebetsong ea hae kamor'a tlhahlobo e matla ea komiti.

A ipiletsa ho barati le batšehetsi ba sehlopha sa Lioli ho khoba matšoafo; sehlopha sa bona se ntse se tlii'o sireletsa mohope le selemong sena. A ba kopa ho tšehetsa ka matla a maholo bakoetlisi, botsamaisi ba sehlopha le libapali tsohle nakong ena eo se ntse se kopana le liqholot-



so tse tlang ho ea moriting haufinyane.

Qaka ena e bonahalang e ntse e kekela kahare ho sehlopha sa Lioli ea ho se bapale hantle ha sehlopha papisong le selemong se fetileng sa lipapali, e qalile nakong eo se neng se bapala ka ho lekana le sehlopha se sa tsoa kena Liking e Kholo ea Vodacom sa Maroala ka 1-1. Taba ena ha e'a ka ea lula botsamaisi ba sehlopha hantle. Joalokaha e ka ha oa lekana ea boela ea bapala ka ho lekana le Manonyane ka 0-0 papaling e bileng Nyakosoba, Roma ka Sontaha se setsoa feta.

Mokoetlisi o behelloa kathoko Lioli e le boemong ba bohloko ka lintlha-kholo tse 17 ha maemong a pele e ntse e le Majantja ka lintlha-kholo tse 23, bobeling e le Lijabatho ka lintlha-kholo tse 21 ha borarong e le Lifo-fane ka lintlha-kholo tse 19.

E ema tseleng ea 05 United

Tšeliso Thakholi

Nakong ena eo mokhahlelo oa pele oa lihlopha tsa Liki ea A Division e ka Boroa ho Naha li seng li saletsoe ke lipapali tse tharo pele li ea phomolong ea Matsatsi a Keresemese le Selemona Secha, sehlopha se ntseng se le kahar'a meferefere e mengata ea tsamaiso sa Swallows, se ile sa sasara le ho ema ka tseleng ea 05 United ka ho se poqa ka phafa ea 2-1 ka Moqebelo Lebaleng la Swallows, Mazenod ka la 29 Pulungoana 2025.

Swallows e theoletse 05 United boemong bo kotsi haholo ba borobeli ha e ne e se e le boemong ba bohloko, 'me e na le lintlha tse supileng. Ba ne ba itlhokela feela lintlha se tharo hore ba sireletse boemo ba bona ba bohloko bo seng bo nkilo ke All Aces ka lintlha tse 10, empa Swallows e ile ea ema ka tseleng ka ho e tete-ka le ho matlafatsa maemo ba eona lokong ka ho nyolohela maemong a bobeli ka lintlha tse 13.

Ha joale Swallows e se e lokela ho phethe-la ho ea Keresemeseng le Selemong se Secha e hapile lipapali tsa eona tse setseng tsa mokhahlelo oa pele oa liki e le hore e tle iphumane e bapala lihlopheng tse kholo tsa Vodacom Premier League isao. Haele sehlopha se ntseng se li hula pele hajoale ke sa Kick4Life Juventude ka lintlha tse 18, 'me ha Swallows

e ka bapala ka mathe metsi a ntse a le teng, e tla lilela lebeso le qhalaneng kaha President ea Swallows e ne a phatlatatse hore selemo sena ke sa bona sa hore sehlopha se lokela ho khutlela moo se neng se ntse se le hona teng pele, e leng lihlopheng tse kholo tsa Liki ea Vodacom.

Papaling ena ea Swallows le 05 United ho ile ha etsahala liketsahalo tse makatsang metsotsong ea ho qetela ea papali le ha e qeta ho fela moo metsotsong e 'meli pele papali e fela sebakali sa 05 United se ileng sa fuoa karete e khubeli, ka le reng se bapetse sebakali sa Swallows hampe.

Ha papali e qeta ho fela ke moo mokoetlisi oa 05 United ea neng a tuka malakabe ke khalefo a ileng a

futuhela moletsaphala ea neng a tsamaisa papali eo a le mahlo a ntoa, le hoja a ile a thijoa ka matla a maholo ke ba tšireletso. Mokoetlisi oa 05 United o ile a arabisana le moletsaphala ka lipuo tse hlohlontšang litsebe hoo qetellong moletsaphala a bileng a mo fa karete e khubelu. Har'a tse ling tseo mokoetlisi a neng a li tseka ke hore moletsaphala o ne a sa lokela hore ebe o file sebakali sa hae karete e khubelu hoba se ne se se na molato. O ne a bile a lla ka hore ha se lekhetlo la pele moletsaphala a ba tsamaisetsa papali hampe.

Motlalehi oa litaba o ile a leka ka makhetlo a 'maloa ho bua le mokoetlisi oa 05 United empa a mo bolella hore a ke ke a bua le eena ho hang. A leka ho atamela ba bang ba batsamaisi ba

sehlopha ba neng ba le teng papali eo ba mo latola. Ho ea ka ba bang ba batšehetsi ba sehlopha sa 05 United leha ba sa khotsofalla tsela eo baletsaphala ba neng ba tsamaisa papali eo ka eona, ke phoso e kholo hore ebe mokoetlisi a ka hana ho bua le baphatlatlatsi ba litaba. "Taba eo ntate ha e amohela ho hang lipapaling mona."

Ba ipiletsa ho baletsaphala naha ka bophara ho qoba ho kenya letsoho tšenyong ea lipapali hoo ka nako e 'ngoe ho ka qetellang ho bakile tšollo ea mali ho sa hlokahele. Ba re leha sehlopha sa bona se ne se ntse se bapala hantle baletsaphala ba bontšitse litšekamelo tse itseng ka ho se tsamaisa papali hantle. "Sena se senya papali ea bolo." Ba rialo.

